



Selasa, 12 Nopember 2024

Ogen: Masmur 106:15



PENAKIT SI MEJIN



La lit manusia ndarami pinakit sabab la pe darami banci nge reh. Adi jumpa pinakit, mbelin kal usaha manusia nambarisa sabab pinakit enda la saja mesui ikenaina tapi pe latih kal iakap pusuh dikune idenden pinakit e. La saja sisakit, rikut ras isi jabu bagepe sangkep geluh kelsehen. Kerina rukur kuga maka dat tambar simesinteng, lampas malem, latih kal daging ras ukur dikune ngalaken pinakit. Pinakit kai pe mbiar kita, la saja si biasa batuk, pilek, demam ras erbage jenisna. Apai ka piga-piga tahun silepas, lit pinakit si mewabah, tuhu-tuhu erbahan pusuh ceda, ukur gulut sabab la saja nggengkenca, mental pe ceda. Ija biasana dikune sakit kita, itami-tami, pulung ntah pe idahi guna nehken pergegeh tapi ibas spaksa Covid-19 silepas, jumpa pe la banci. Kelungenen kita she maka kecibal sibage erbahanca reh kelekna pinakit si man alanken e. Pinakit si mejin, eme pinakit siman kebiarenken, la biasa jadi ntah ikenaina kalak. Emaka banci terdaram-daram manusia kai nge, ijanari nge rehna janah megati iakap la biasa, emaka cara nambarisa pe luar biasa. Bageme ibas renungenta sendah enda, ituriken kerna keeluhen bangsa Dibata si mekeng, sura-surana saja atena isehi, jungut-jungut. Ituriken Pemasmur, maka irehken Dibata pinakit si mejin (Terj. Indonesia, penyakit paru-paru). Penakit paru-paru, covid 19 paksa e menam seri ras pneumonia (radang paru-paru/pernapasan oleh karena virus, infeksi, jamur ntah pe bakteri). La saja anak-anak tapi kalak mbelin pe banci ikenaina janah penyebab kematen anak-anak iteruh lima tahun. Wari enda tanggal 12 Nopember iperingeti sebage wari pneumonia sedoni tujunna nehken penyadaren ras metenget nandangi pinakit enda. Khususna daerah ntah negara berpenghasiken rendah ras musil. Sibuat baginta ngangkaisa dingen njagai ras nurikenca gelah metenget,